

حقوقی بیکسیر مجموعه سی

هر آي صوکنده نشر اولنور

مفصل کومروک قانونی : نظمی نوری واحد رائف بکلرک

کتابخانه عرفانمیزک بوقسمه عائد بر بوشلنی دولديران مفصل کومروک قانونی شرحی تدقیق ایتمه مکە ، مجموعه من ایچون، امکان یوقدی . بواعبارله اثر حقنده کی شو مطالعه می قارئلرمزه عرض ایدیوروز :

معلومدرکه عتیق ایکنجی جلد دستوره ؛ کومروکلره متعلق نظامات و تعلیمات عصرک احتیاجات حقیقه سنه تقابل و بونی تطمین ایده جک درجه لدره اولدیغنی کورن شارعلمز ۱۴ نیسان ۳۳۴ تاریخلی کومروک قانونی تدوین مجبوریتنی پک یاقیندن حس ایده رک جدآ وقوف واختصاص ایله قانون مذکور و وجوده کتیردیله . اشبو قانونک نشرندن آلتی آی صوکره مرعیتی تصور ایدلش وبلاآخره متارکه هنکامه سنده واستخلاصدن برآز اول تطبیقاته مباشرت ایدلشدی . اوندن صوکره کورولن احتیاجاته کوره کومروک قانونی ۶ حزیران ۹۲۶ تازیخنده بعض تعدیلات ومذیلاته مظهر اولدی .

معاملاتنک بویوککی وشمولی وهر فردک آز چوق ماده علاقه دار اولسی حسیله کومروک قانونی همان عموم و طنداشلری علاقه دار ایدن برقاونددر . مملکته کیرن ، مملکتدن چیقان معمولات ومستحصلاتنک جمله سی اوزرنده تطبیق ایدیه جک معامله لرله مشغول اولان کومروک اداره لری بواعبارله مؤسسات مالیه مزک اوک صفنده کلیر .

کومروکک مسند معاملاتی اولان کومروک قانونه ؛ مثلاً سفینه قبودانی ، شمعدوفر قطار اداره سی ، کاربان رئیس ، تجار وقومیسونجیلرک ویا افرادک وقوف تامی بولونمسی هر حالده اقتصادیات مملکت نامنه پک مفیددر . بوبابده کوچوک برسهو ویا ذهول چوق دفعه لر برضرر مادی بی انتاج ایتمکده درکه چوق حساس اولان ابره تجارتک بوشکلدن متأثر اوله جفی طیبعیدر .

کومروک قانوننك سبب وضحی، بومهمه حیاتیه نك موقع امكانه ایصالی ایچوندرد. فقط یالكز قانون؛ ملكه حقوقیه سی اولیان ذوات سائره ایچون استنباط مال خصوصنده کافی دكلدر. صلاحیتدار اولانلر طرفندن ماده نك قابل تمثیل برحاله افرای ضرورتی واردرد. بوعبارله سلامت واطراد معامله یی تأمین ایچون کومروکلر حقنده معلومات عمومیه، ماده لرك استهداف ابتدکی حادثانه؛ عینی زمانده علاقه دار اولدینی خصوصی و عمومی قوانین ایله اتصال وارتباطنه دائر ایضاحاتك وجودینه قطعی براحتیاج واردرد.

کومروک مسائلی حقنده ارباب قلم شمعی به قدر بزه بویه بر اثر لطف اتمه مشلردی. بعض مسائل استشاره لرنده کتبخانه مزه آل آتدیغمز زمان متن قانوندن باشقه ألمزه برشی کچموردی. کوچوک برایشیق بیله قارانلق کیجه لرده بویوک برنور اولدینی مثلاًو مستعجل بر مسئله نك تدقیقنده حاضر لائمس بر فکر، یازلمش بر شرح قدر قیمتدار بر مستشار علم اوله ماز. بولطقی کنج و ذکی اوقداشلمز دن نظمی نوری واحد رائف بکلر یامشلردر. اترك مقدمه سنده متواضع برلسانه مؤلفلر، عجز عرفانلرینك بر محصله سی اولان شرح قیمتی اولدینی درمیان و بو اثری صرف اساتذه مملکتی ده اواسع ومفصل اثرلر یازمغه تشویق ضمنتده یازدق لریخی ادعا ایدیورلر سده ادعا ایله اثر مقایسه ایدیورسه بو محویتك بر تواضعدن عبارت اولدینی در حال تظاھر ایدیور.

(مفصل کومروک قانونی شرحی)، اوزرنده ایشله نمش وحقایق وقوعاتدن مادی تجربه لردن؛ بالفعل حادث اولان اختلافات تطبیقیه نك اکتساب ابتدکی شکل حاللردن آلمش بر اثر در. هر حالده اپی زمان وأملك صرف ایدلمش وموفقده اولمشدر. ألمزده دیگر بر شرح اولدینی ایچون یوقلغه نسبتله بر وارلق، بر موجودیت اولان اشبو شرحه مکمل دیمك لازمه نصف و اترك قیمتی شارح لری نظمی نوری واحد رائف بکاری تقدیر وتبریک ایتك مجموعه مزه مترتب بروظیفه در.